

# Epesas Lenji Leta Pol Le Rorori Utu iviva

Mbanja Jisas vama i njogha e buruburu na e ghereiye, theghathegha mbwatava le ghanaghanagha ghweto na umboiwo (32) e ghereiye, Pol vamba ina e thiyo Rom tine. E mbanako iyako Pol i roriya letake iyake, amba Taikikas i li na ve ligiya wenjiya ekelesiya Epesas (4:21-22).

Epesas iye ghamba laghiye Eisiya e tine na lenji bisines lemoyo. Pol va le vaghiliya theghetoniye e tine, i yaku Epesas theghathegha umboto e tine na i vavaghare wenji (Vakatha 19).

Epesas e tine gharighari lemoyo thiye ma Jiu ngoreiye, ko iyemaenge vavana Jiu gharighariniye. Letake iyake e tine i vagharengi wabwi theghewoko iyako Krai kaero i tubwenji na thi tabo wabwi regha ekelesiyako e tine (2:15-16; 3:6). Pol le ututu i laghiye moli budakaiya Loi le renuwanja ekelesiya kaiwae (3:10) na budakaiya Loi le mwaewo weinda. Utu ghamba thuwathuwa thegheto i bigirawengi ekelesiya kaiwanji. Ekelesiya ririwo regha na Krai iye umbaliye (1:23; 4:15-16). Ekelesiya ngoreiya wevo ragheghe na Krai ngoreiya le ghimoru (5:25-27). Na tembe ngoreiyeva Pol i vavurighenghi ngoronga yawalinji ghalongalanga kaiwae Krai kaero va i tubwenji

na thiye ngoranjiya ririwo regha na kaiwae thiye manjamanjala le ngamanjama.

<sup>1</sup> Ghino Pol, Loi le renuwana e tine ya tabo Krai Jisas ghalinae gharaghambi. Ghino ya roriya letake iyake na ya variye i ghaona e ghemi, ghemi Loi le gharighari inami huya yaku Epesas e tine. Ghemi ralonwelonweghathi moli weya Krai Jisas.

<sup>2</sup> Ya nanjo weya Loi Ramanda na ghanda Giya Jisas Krai thi mwaewo e ghemi na lenji gharemalili i yaku e gharemina.

*Weya Krai Loi kaero i giya mwaewoke wolaghiye weinda*

<sup>3</sup> Ra tarawe Loi, iye ghanda Giya Jisas Krai Ramae. Valikaiwae moliya ra tarawe, kaiwae e la tubweko weya Krai mwaewoke wolaghiye i mena e buruburu kaero i giya weinda yawalindake ghalongalonga kaiwae.

<sup>4</sup> Ngoreiyake. Amba muyai va i vakatha yambaneke, kaerova i tuthinda le gharighari mbala mbanja ra tubwe weya Krai, ne ra boboma na ma e ghandawonjowe e la thari regha.

<sup>5</sup> Va i gharethovunaina, iya kaiwae amba ngangagha kaero i renuwana ne Jisas Krai le kaiwo e tine i vanjunda le ngamanjama. Vambe ghamberegha vara le warari na le renuwana i vakatha ngoreiyako.

<sup>6</sup> Iya kaiwae ra tarawe amalaghiniye le mwaewo riyeriyevanjaraniye kaiwae, na mwaewoko iyako i giya bwagabwaga weinda weya Nariye gharegharethovuniye moli.

<sup>7</sup> Loi i vatomwe le mwaewo i laghiye moli. Krai le mare e tine Loi kaero i rakayathuinda na i numotena la thari. <sup>8</sup> Loi le mwaewo laghiye moli i lingi weinda weiye thimbake wolaghiye na ghareghare thovuye, <sup>9</sup> kaiwae va nuwaiya ra ghareghare le renuwanja thuweleko, na va le renuwanja ngoreiye. Loi va nuwaiya ngoreiye na i vamboromboro weya Krai. <sup>10</sup> Ghambanja moli e tine ne i vakatha ngoreiya le renuwanako. Iya kaiwae mbanako iyako bigibigike wolaghiye e buruburu na e yambaneke ne i mbanivathanji na regha na Krai iye umbaliye.

<sup>11</sup> Kaiwae ra tubwe na regha weya Krai, amba ngangagha Loi kaero i tuthinda na le gharighari ghinda. Kaerova i tuthinda na le gharighara ghinda, kaiwae va le renuwanja ngoreiye. Na Loi mbe ghambereghaenge i vakatha bigibigike wolaghiye i mboromboro na ngoreiya le renuwanako. <sup>12</sup> Iyake kaiwae, ghime Jiu va wo vareminjekaiya Krai na Loi i vanquime le gharighari, wo mwanavaira idae na wo tarawe. <sup>13</sup> Ghemi ma Jiu gharighariniye tembe ngoreiyeva, kaerova hu lonweya Utuniye Emunjoru, iye Jisas Totoniye Thovuye ghamivamoru kaiwae, na kaiwae kaero hu lonweghathigha Krai na hu tabo le gharighari, iya kaiwae Loi ghanono kaerova i worawe e ghemi na ghamba tuthi. Iye Nyao Boboma, ngoreiya le dagerawe. <sup>14</sup> Kaiwae ra wo Nyao Boboma, ra ghareghare thovuyeko wolaghiye iya Loi va i dageraweko kaiwanda tembene vara wova. Iya kaiwae wo ra roroghagha Loi i

rakayathuinda moli na i vanquinda weinda ra yaku. Ra mwanavaira amalaghiniye idae na ra tarawe.

*Pol i nanngo weya Loi Epesas kaiwanji*

<sup>15</sup> Lemi lonweghathi weya Giya Jisas na lemi gharethovu wenjiya Loi le gharigharike wolaghiye kaero ya lonweya utuniye. <sup>16</sup> Iyako kaiwae ma ya towotowo e vata ago weya Loi kaiwami, na mbanjake wolaghiye ya nanjonango kaiwami. <sup>17</sup> Ya nanngo weya ghanda Giya Jisas Krai le Loi, iye Ramanda Ravwenyevwenye, na i giya Une e ghemi, na iye i vathimbananga na i woranjiya Loi e ghemi, na valikaiwae ghaghareghare i laghiye e ghemi. <sup>18</sup> Ya nanngo Loi iye ne i vamanjamanjala lemi renuwanja, na valikaiwae hu ghareghare iye va i kula wenga na valikaiwami weimi lemi gharematuwo hu roroghagha vwenyevwenyeko laghiye iya Loi ne i giyako ghinda le gharighari weinda. <sup>19</sup> Na ne hu ghareghare Loi le vurigheghe mbe ina i kakaiwo weinda ghinda ralonwelonweghathi. Vurighegheke iyake iye i laghiye kivwala vurighegheke wolaghiye <sup>20</sup> iyava Loi tembe i vanjuthuweiruweva Krai mare e tine, na i vanjurawe valivanga e uneko e buruburu. <sup>21</sup> Iya kaiwae randevivake wolaghiye, vurighegheke wolaghiye, nyaoko thovuthovuye wolaghiye, rambarombaroke wolaghiye, na idake wolaghiye iya kaero inanjiwe mbanjake iyake na ne thi yomara mbanja i menamenako, Krai iye i laghiye kivwalanji. <sup>22</sup> Loi kaerova i woraweya Krai na i mbaronjanjiya

bigibigike wolaghiye na thi yaku e gheghe raberabe, na i worawe ekelesiya ghanaghananauyeko wolaghiye umbaliye. <sup>23</sup> Ekelesiya iye Kraisi riwae, na Kraisi e yawayawaliye i riyevanjara ngoreiya i riyevanjara bigibigi wolaghiye e valivanjake wolaghiye.

## 2

### *Weya Kraisi Loi i giya yawali togha weinda*

<sup>1</sup> Ghemi, va i viva lemi tharina kaiwanji unemina i mare. <sup>2</sup> Va e mbanako iyako hu reja e yambaneke momouwoniye tine na hu ghambugha nyao rarithari lenji randeviva Seitan le kamwathi. Iye ma ra thuwathuwawe, ko iyemaenge the gharighari ma thi yawwatatawana Loi, iye i mbaronangi. <sup>3</sup> Taulaghike ghinda va ra yayaku gharighariko thiyako e lenji wabwi tine na ra ghambugha riwandake yawaliye, na thanavuko iya riwandake na la renuwajake nuwaiya ra vakavakatha. Mbanja vamba la yakuyaku ngoreiyako, valikaiwae moli Loi weiye le ghatemuru weindangiya gharighariko wolaghiye thiyako, i lithi weinda.

<sup>4</sup> Ko iyemaenge Loi iye ghareviri i riyevanjara na le gharethovu weinda i kaitotowo moli, <sup>5</sup> na mbanja vamba unendako thiya mare e la goriwoyathu tine Loi i tubweinda weya Kraisi na i giya yawali togha weinda. Loi le gharevatomwe e tine va hu vaidiya vamoru. <sup>6</sup> Iya thavala ghinda kaero ra yaku weya Kraisi Jisas, Loi kaerova i vanjathuweiruinda weinda Kraisi mare e tine, na i vanjuraweinda weinda Kraisi ra yaku e

ghamba vwenyevwenye tine e buruburu. <sup>7</sup> Na i vakatha ghinda ghamba ghaghayawo gharighari mbanja i menamenako kaiwanji na mbala thi ghareghare Loi le mwaewo i kaitotowo moli, kaiwae weya Krai Jisas i gharethovuḡainda. <sup>8</sup> Kaiwae mbanja hu loḡweghathi, Loi le mwaewo bwagabwaga e tine iya hu vaidiya vamorunawe. Ma lemi rovurigheghe une ḡgoreiye, Loi le giya bwagabwaga. <sup>9</sup> Ma lemi rovurigheghe une ḡgoreiye, iya kaiwae ma valikaiwae ghemina regha inḡava i wovoreḡa ghamberegha. <sup>10</sup> Kaiwae ra tubwe weya Krai Jisas Loi i vakathainda ra tabo ḡginau togha na nuwaiya ra vakatha thanavu thovuye, na thanavuko thovuye iyako vama i vivatharawe na e tine ra loḡgalongawe.

*Kaiwae ra tubwe weya Krai taulaghike ra tabo wabwi regha*

<sup>11</sup> Iya kaiwae, hu renuwanakiki, ghemi va thi ghambigha ma Jiu gharighariniye ḡgoreiye. Jiu thi utu njoḡanjoḡanḡa na thiḡa, “Ghemi mava hu wo kiteniyathu thanavuniye, na ghemi ma Loi le gharighari ḡgoreiye.” (Ko iyemaenḡe thanavuko iyako gharighari vambe ghanjimberigha thi vakatha na mbe i reḡa enḡe ririwo ele valivanḡa.) <sup>12</sup> Va e mbanako iyako hu mebwagabwaga moli weya Krai. Ghemi ḡgoramiya bobwari na mava idamina wenḡiya wabwi Isirel, Loi le gharighari, na dageraweko iya Loi va i vakathako weiyangiya Isirel, ghemi ma kaiwami ḡgoreiye. Iyake kaiwae, ma e lemi righe na hu roroghagha na hu gharematuwo na ma Loi ghaghareghare ina wenḡa. <sup>13</sup> Ko iyemaenḡe

ghemi iyava hu mebwagabwaga moli weya Krai, mbanake iyake Krai e madibae kaero i vanjunga na hu methaiya Loi.

<sup>14</sup> Kaiwae ra tubwe weya Krai mbanake ra vanevane. Ghime Jiu na ghemi ma Jiu kaero ra tabo wabwi regha. Vambowo ra vemeghaghathi weinda na meghaghathiko iyako va ngoreiya gana e ghandalughawoghawo. Ko iyemaenge Krai va i tagarakaraka meghaghathiko ghagana na mbe i vatomwe vara ghambereghako riwae.

<sup>15</sup> Ghime Jiu lama Mbaro mbaroniye lemoyo, ko iyemaenge Krai kaerova i rakavaongi. Va i vakatha ngoreiyako na i mbanivathangiya wabwiko theghewo na regha, kaero wabwi togha, regha moli i yomara na ra vanevane. <sup>16</sup> Krai le mare e kros vwatae wabwike theghewo la meghaghathi kaero i tagayathu. I tubweinda ra tabo ririwo regha na i vanjunjoghainda weya Loi. Iya kaiwae la gaithi iko na kaero i vakathavao la mevathari. <sup>17</sup> Krai va i mena na i vavagharena vanevane yakuyakuniye thovuye wenga ghemi ma Jiu gharighariniye, va hu meghaghathi moli weya Loi, na i vavagharena vanevane yakuyakuniye thovuye weime, ghime Jiu, wo methaiya Loi. <sup>18</sup> Mbwana, kaiwae ra tubwe weya Krai, ghinda wabwike theghewoke e la righe na valikaiwanda Nyao Boboma le thalavu e tine ra mena weya Ramanda.

<sup>19</sup> Iya kaiwae mbanake ghemi ma ngoramiya bobwari o vuthavuthagha, ko iyemaenge weimiyangiya Loi le gharighari ghemi rimba, ghemi Loi gheuu gharighariniye. <sup>20</sup> Ghemi tembe ngoreiyeva, ngoloko iya Loi va i

vatadiko ghanginaw vavana. Ghime ghalināe gharaghambi na ghalināe gharautu ngoloko iyako ghayayao, na Krais Jisas iye ngoloko ghambaghimbaghi ina e konako. <sup>21</sup> Ngoloko nginauwe wolaghiye thi tubwe weya Krais na ngoloko mbe i mbuthumbuthu vara na i tabo ngolo boboma weya Giya. <sup>22</sup> Ghemi kaero hu tubwe weya Krais, na ghemi weimiyangiya Loi le gharigharike wolaghiye, kaero i tubwenga na regha ra tabo Loi Une le ghamba yaku.

### 3

#### *Pol i kaiwo thiye ma Jiu kaiwanji*

<sup>1</sup> Kaiwae Loi va i vakatha ngoreiyako kaiwami, na ya nanjonango kaiwami. Ghino Pol, mbe ghinoke e thiyo kaiwae ya vakatha Krais Jisas le kaiwo wenga ghemi ma Jiu gharighariniye kaiwami. <sup>2</sup> Emunjoru kaero hu lonweya utuningu, iya Loi le mwae-woke e tine i giya kaiwoke iyake ya vakatha kaiwami. <sup>3</sup> Loi kaerova i vatomweya le renuwanā memethuweleniye na i worangiya e ghino ya ghareghare. (Iya Loi le renuwanā thuweleko iyako utuniye kaero seiwo ma utunā. <sup>4</sup> Kaiwae thonjo hu vaona budakaiya vama ya rori, ne hu thuwe budakaiya ya ghareghare Loi le renuwanā memethuweleniye iyava i vakatha weya Krais.) <sup>5</sup> Mbanā mevivako gharighariniye Loi le renuwanā memethuweleniyeke ma methi ghareghare, ko iyemaenge e mbanake iyake Nyao Boboma le vurigheghe e tine Loi kaero i worangiya weime ghime



iya i tuthiime na ghalinae gharaghambi na ghalinae gharautu boboma. <sup>6</sup> Loi le renuwanja thuweleko ngoreiyake: Ghemi ma Jiu, kaero hu lonweghathigha Toto Thovuye, na ghime Jiu iya tembe ngoreiyeva wo lonweghathi, taulaghike ghinda ra tubwe weya Krai Jisas na ra wona regha Loi le mwaewoko, ra tabo ririwo regha nginauye na ra wo na regha Loi le dageraweko.

<sup>7</sup> Loi va i giya wo mwaewo na ya tabo Toto Thovuye gharakakaiwo. Na i giya le vurigheghe e ghino na e tine ya vakavakatha le kaiwokewe. <sup>8</sup> Othembe ghino Loi le gharigharike wolaghiye e tinenji ya roreghamba vara, iye-maenge Loi i giya wo mwaewo na valikaiwae ya utuja vwenyevwenyeko thovuye moli iyava Krai i giyako iya ma valikaiwae gharigharini thi ghareghare na ya vavagharenja wenga ghemi ma Jiu gharighariniye. <sup>9</sup> Loi kaerova i giya wokaiwo na budakaiya le renuwanja thuwele nuwaiya i vakatha ya vamanjaman-jalana gharigharike wolaghiye wengi. Loi iye bigibigike wolaghiye ghanji Ravakatha na le renuwanako iyako vambowo i wothuwele mbanja me vivako e tine. <sup>10</sup> Loi i vakatha ekelesiya kaiwae, kaiwae nuwaiya i vatomwe randevivako wolaghiye na vurighegheko wolaghiye e buruburu, amalaghiniye tomethi le thimbako wolaghiye, mbala thi ghareghare. <sup>11</sup> Mbanja me vivako moli Loi kaero i renuwanja ne i vakatha ngoreiye, na e mbanjake iyake Krai Jisas ghanda Giya le kaiwo e tine kaero i vakatha ngoreiye. <sup>12</sup> Weya Krai kaero i mavu weinda na valikaiwae ra mena Loi e marae ma weinda

mun la mararu. Ra vakatha ngoreiyako weiyela lonweghathi kaiwae ra tubwe weya Krai. <sup>13</sup> Iya kaiwae ya dage e ghemi, thava nuwami i thari na unemi i njavovo kaiwae ghino ya vaidiya viri kaiwami. Virike ya ghatanake une ghemi hu vaidiya thovuye, na iyako kaiwae hu sirari.

*Pol i nango Epesas kaiwanji*

<sup>14</sup> Iyake kaiwae ya ronja e ghenyu vuvuye Ramanda e marae, <sup>15</sup> iye uuke wolaghiye e buruburu na yambaneke idanji thi menawe. <sup>16</sup> Loi Ramanda iye bigibigi thovuthovuye lemoyo i riyevanjara nuwaiya i giya e ghemi, ya nango Nyao Boboma le kaiwo e ghemi ne i vavurigheghe e unemina, <sup>17</sup> na lemi lonweghathi kaiwae Krai i roghabana e gharemina. Ya nango wathelilimina i nja bode gharethovu e thanavuniye tine na yawalimina i matuwo, ngoreiya umbwa watheliliye i nja e thelauko na i laweghathi. <sup>18</sup> Ya nango weimiyangiya Loi le gharigharike wolaghiye valikaiwami Krai le gharethovu le malamala, le molamolao, le gheneghenevoro, na le gheneghenenja hu ghareghare. <sup>19</sup> Krai le gharethovu le laghilaghiye ghinda gharighari ma valikaiwae ra ghareghare, ko iyemaenge ya nango na le gharethovuko iyako hu ghareghare wagiya na hu ghaminogha ghaminae. Na Loi iye thovuyeke wolaghiye i riyevanjara, i yaku e ghemi na i riyevanjaranga.

<sup>20</sup> Weinda Loi le vurigheghe i kakaiwo weinda, iya kaiwae the bigiya ra nangowe o ra renuwana iye valikaiwae ne i vakatha i laghiye kivwala

iyako. <sup>21</sup> Thavala ghinda ra yaku ekelesiya e tine na weya Kraisi Jisasi, tha na tha, ra wovavwenyevwenyenja Loi mbanjake wolaghiye, ma ele ghambako. Mbwana. Ngoreiye.

## 4

### *Ra tubwe na regha ngoreiya ririwo regha*

<sup>1</sup> Ghino mbe iyake e thiyo tine kaiwae ya kaiwo Giya kaiwae. Na mbanjake ya dage vavurigheghe e ghemi, yawalimina ghalongalonga ngoreiya Loi le renuwana na iyava i kulana e ghemi. <sup>2</sup> Mbanjake wolaghiye hu gharenja na ghamithanavu i udauda. Thava lemi gaithi i maya, ko iyemaenge weimi gharethovu na ghamunena lenji vakatha e ghemi hu ghatanaghathi. <sup>3</sup> Kaiwae Nyao Boboma i tubwenga hu yaku na regha. Na gharemalili yakuyakuniyeko iyako thava ne iko wenga. Iyemaenge hu rovurigheghe na hu yaku na regha. <sup>4</sup> Taulaghike ra tubwe ngoranda ririwo regha, na ra wo Nyao Boboma mbe reghaenge. Tembe ngoreiyeva weinda la gharematuwo taulaghike ghinda ra roroghaha thovuyeko regha iya va i vivatharaweko kaiwanda na i kula weinda. <sup>5</sup> Ghanda Giya mbe regha enge, la lonweghathi regha, na la bapitaiso regha. <sup>6</sup> La Loi na taulaghike Ramanda mbe regha enge. Iye i mbaranja gharigharike wolaghiye, iye i kaiwo wengiya taulaghike, na i yaku taulaghike e tinenji.

<sup>7</sup> Ghinda regha na regha Kraisi i giya ghandamwaewo weinda, na i giya ngoreiya le

renuwaŋa. <sup>8</sup> Iya kaiwae e Buk Boboma tine i woraŋgiya iŋa,  
 “Mbaŋa va i voro e ghamba yaku yavoro moli weiyangiya thavala kaerova i kivwalaŋgi na i ngaraŋgi, na i giya gharighari ghanjimwaewo.”

<sup>9</sup> (Ngoronga gharumwara utuutuko iŋako, “I voro”? Gharumwaru va i viva wo i njama bode moli e yambaneke. <sup>10</sup> Iyava i mena i njake loloniye mbema regha enge iyava ve voroko yavoro. Ma vambe i voro enge e buruburu, vambowo i vorowova yavoro moli, na i vakatha i vamboromboro bigibigike wolaghiye.)

<sup>11</sup> Na amalaghiniye tembe i giyava gharighari ghanjimwaewo ngoreiyake. Wenjiya vavana i giya ghanjibebe thi tabo ghalinae gharaghambi, vavana ghalinae gharautu, vavana Toto Thovuye gharautu, na vavana gharighari ghanjiranjim-bunjimbu na ghanjiravavaghare. <sup>12</sup> I giya gharighari ghanjibebe ngoreiyako na thi vithaŋgiya Loi le gharighari thi vakatha kaiwo thovuye, mbala ekelesiya, iye Krais riwae i mbuthumbuthu na i vurigheghe. <sup>13</sup> Na ele ghambako ra tabo wabwi regha moli kaiwae ra lonweghathigha Loi Nariye na ra ghareghare wagiya, ngoranda gharighari kaero thi matuwo, na ghandathanavu i mboromboro weya thanavuko iya Krais i riyevan-jarakowe.

<sup>14</sup> Kaero ma gamagaiya ghinda ngoreiya waŋga bagodu i yambi na i reŋa e valivaŋga regha, na kaero i wava e valivaŋga reghava, o

ndewendewe i uu lolonga — i yambi na i wa e valivannga regha na kaero i wava e valivannga regha. Rakwan lenji vavaghare ngoreiyako. E lenji kwaniko thimbaniye tine thi vangugiya gharighari vavana thi mbelethavwiya kwan. <sup>15</sup> Iyemaenge ghinda weinda la gharethovu ra utuutu emunjoru, iya kaiwae valikaiwae ra mbuthu na ra tabotabo ngoreiya Kraiss, iye ekelesiya umbaliye. <sup>16</sup> Iye i mbaronga ririwoke laghiye na nginauye regha na regha thi tubwe na regha. Nginau regha na regha mbe tomethi i vakatha ghakaiwo, na e tine ririwoko laghiye i mbuthumbuthu na i vurigheghe gharethovu thanavuniye e tine.

*Yakuyaku ngoreiya manjamanjala  
gharighariniye*

<sup>17</sup> Giya e idae ya vavurighehenga ngoreiyake. Thava tembe lemi yakuyaku ngoreiyeva gharighari ma thi ghareghareya Loi. Thiye lenji renuwanako wolaghiye ma e uneune, <sup>18</sup> na gharenji i momouwo. Kaiwae ma e lenji ghareghare moli na gharenjiko i vurigheghe ngoreiya vari, thiye ma e idaidanji e yawaliko iya i menako weya Loi. <sup>19</sup> Ma tembe thi monjinanava lenji vakathako, na thi vakaiwona yawalinjiko mbema e thari enge thanavuniye, na mbema nuwanjiya enge vara thi vakatha mbela yathima thanavuniye.

<sup>20</sup> Ko iyemaenge lemi ghareghare Kraiss kaiwae ma ngoreiyako. Ma thi vavaghare wenga na hu vakatha thanavuko thiyako. <sup>21</sup> Kaero hu

lonweya Kraisi utuniye, na kaiwae gharaghambugha ghemi, kaerova thi vavagharenga emunjoruko iya i menako weya Jisas. <sup>22</sup> Iya kaiwae yawalimina teuye iyava hu yakuna na thanavuniyeko, wo hu bigiyathu, kaiwae yawaliko iyako ghaminae i vanjovabenga na i vakovakowana e ghemi. <sup>23</sup> Unemina na lemi renuwana laghiye hu vatoghana, iya kaiwae hu vatomwe Loi i viva yawalimi, <sup>24</sup> na hu njimbo yawalimina togha. Yawaliko iyako thanavuniye ngoreiya Loi ghathanavu. I rumwaru na i boboma moli.

<sup>25</sup> Iya kaiwae! Ghemi regha na regha mbe i utuutu emunjoru weya le valiralonwelonweghathi, kaiwae taulaghike ghinda ririwo regha nginauyengi. <sup>26</sup> Thongo hu gaithi, thava lemi gaithina i vanjunga na hu vakatha thari. Na thava lemi gaithina i wo mbanja molao na ghaghad varae ve ronja, <sup>27</sup> na thava hu giya lughawoghawo regha weya Seitan. <sup>28</sup> The lolothan i kakaivi thava tembe i kakaiviva, ko iyemaenge wo i vakaiwona nimaena e kaiwo thovuye. Na mbala ele bigibigi na valikaiwae i thalavungiya mbinyembinyengu.

<sup>29</sup> Thava hu utuna utuutu raraihari, ko iye-maenge utuutu thovuthovuye iya valikaiwae i thalavungiya gharighari e ghanjivuyowo na thi vurigheghe, ee hu utunangi. Na tembe ngoreiyeva thavala thi vandene lemi utuutuna, thi vaidiya thovuye e lemi utuna tine. <sup>30</sup> Ne hu ndevakatha Nyao Boboma na nuwae i thari. Iye Loi le nono e ghemi na i worangiya ghemi iye le gharighari. Kaiwae inami hu

ghareghare nevole Loi i rakayathunḡa moli thari e tine. <sup>31</sup> Ghamighamina raraitharike wolaghiye e ghemi hu numoyathunḡi, weiye gaithi. Thava ghalinami i gheroro wenḡiya ghamunena na thava hu utuutuvathari wenḡi. Thava thighiya thanavuniye ina wenḡa. <sup>32</sup> Ko iyemaenḡe ghamithanavu i udauda wenḡiya ghamune na gharemi wenḡi. Ghamune lenji thari wenḡa hu numoyathu, ḡgoreiya weya Krai Loi kaero i numotena lemi thari.

## 5

<sup>1</sup> Kaiwae ghemi Loi le ḡgamangama gharegharethovuniye, wo hu mando na ḡgoramiya amalaghiniye. <sup>2</sup> Gharethovu thanavuniye e tine hu longalongawe, ḡgoreiya Krai i gharethovuḡainda. Iye va i vatomweya yawaliye ghinda kaiwanda ḡgoreiya vovo butiye thovuye Loi i warariḡa.

<sup>3</sup> Yathima thanavuniye raraithari, thanavu monjimonjina na votha thanavuniye, thava nasiye regha ina e ghemi. Thanavu ḡgoranjiyako ghemi Loi le gharighari boboma ma valikaiwami ḡgoreiya iyako. <sup>4</sup> Tembe ḡgoreiyeva, thama ghanjithambo, thama ghanjiutu bwagabwaga moli, thama thanavu raithari tabwayaruniye i rangi e ghaemina, kaiwae iyako ma i thovuyenḡanga. Ko iyemaenḡe mbema hu utuḡa enḡe vata ago weya Loi. <sup>5</sup> Nuwamina i rumwaru enḡe thavala thi vakavakatha yathima thanavuniye na thanavu i monjimonjina, na thavala thi votha, ma e ghambaghambanji Krai na Loi e lenji ghamba

mbaro tine. (Votha thanavuniye ngoreiya ra kurukururu weya loi kwanikwan.) <sup>6</sup> Na thava lolo regha le utu kwanikwan e tine na i wo nuwami. Thanavungiko thiyako kaiwanji Loi le gharegaithi i menamena wenjiya thavala ma thi lonweya ghalinjaeko. <sup>7</sup> Gharighari ngoranjiyako thava tembe hu rabi na reghava wenji mbanja thi vakatha thanavu raraithari.

<sup>8</sup> Ghemi vambe inami e momouwo, ko iye-maenge mbanjake kaero inami e manjamanjala kaiwae hu tubwe weya Giya. Iya kaiwae yawal-imina ghalongalonga ngoreiya ghemi manjamanjala le ngamangama. <sup>9</sup> Kaiwae manjamanjala uneya thanavu i rumwaru, yakuyaku thovuye na utu emunjoru. <sup>10</sup> Hu tamweya budakai Giya i wararija na hu vakatha. <sup>11</sup> Thava hu rombeleya thanavu momouwo gharighariniye thi vakavakatha, kaiwae ma e uneune, ko iyemaenge hu woranjiya e manjamanjala na gharighari thi ghareghare iyako thari. <sup>12</sup> (Budakaiya gharighari thi vakatha thuwele, ra monjinaja, ma valikaiwanda ra go-vambwara.) <sup>13</sup> Ko iyemaenge mbanja bigibigike wolaghiye thi rangi e manjamanjala, ambane ra thuwe ghanjiemunjoruko moli, <sup>14</sup> kaiwae the bigiya manjamanjala i woranjiya, ra thuwe wagiawe. Iya kaiwae gharighari lenji utuutu inja,

“Ghen raghenaghena, u thuweiru, u thuweiru e mare!

Amba Krais manjamanjalawae ne i woya e ghen.”



15 Yawalimina ghayakuyaku hu njimbukiki wagiya. Hu yaku ngoreiya thavala nuwanji i goi lenji yakuyaku, na thava ngoreiya thiye ma nuwanji i goi. 16 Ghami mbanja regha na regha hu vakaiwona na thovuye, kaiwae mbanjagike thiyake thari ghavakatha kaero i vurigheghe. 17 Thama hu unouno, ko iyemaenge Giya le renuwana kaiwami nuwaiya hu ghareghare wagiya.

18 Thava hu muna mbwa vurigheghe laghiye moli na hu kabaleya, ne iwaenge i vakowananga. Iyemaenge Nyao Boboma mbe hu riyevanjarangawe, 19 na Sam, kururu ghawothu na the wothuva Nyao Boboma le wovenga lenji worangiya hu utuna wengiya ghamunena. E ghaemina na e gharemina laghiye hu wothu tarawe Giya, 20 na ghanda Giya Jisas Krai e idae, mbanjake wolaghiye hu vata ago weya Loi Ramanda bigibigike wolaghiye kaiwanji.

### *Ragheghe wevo na ghimoru utuninji*

21 Ghamunena lenji mbaro mbe hu ghambu Krai ghayavwatata kaiwae.

22 Ghemi ragheghe wanakau, mbe hu ghambugha lemi ghimoghimoruna lenji mbaro ngoreiya hu ghambugha Giya le mbaro. 23 Kaiwae ghimoru iye levo umbaliye, ngoreiya Krai iye ekelesiya umbaliye, na iye riwae, na Krai ghamberegha iye ekelesiya gha Ravamoru. 24 Ekelesiya i ghambugha Krai le mbaro, tembe ngoreiyeva ragheghe wanakau mbe thi

ghambugha lenji ghimoghimoruko lenji mbaro e bigibigiko wolaghiye.

<sup>25</sup> Ghemi ragheghe ghimoghimoru mbe hu gharethovu wenjiya lemi ovo ngoreiya Krai va i gharethovu weya ekelesiya na i vatomweya yawaliye kaiwae. <sup>26</sup> Va i vatomweya yawaliye na thiya kalekaleva na i thavwi e bapitaiso mbwaniye na e ghalinae. I vakatha iyako mbala i vabobomana ekelesiya, <sup>27</sup> na i vandeghati e marae ngoreiya ekelesiya ghayamoyamo i thovuye moli, ma e bolabola, ma ghatabo i njonjoraka, na ma tembe e ghathari reghava, iyemaenge i boboma na i vunevune na ma e ghathari mun. <sup>28</sup> Mbema e kamwathiniye enge regha, ghimoghimoru thi gharethovu wenjiya lenji ovo ngoreiya thiye thi gharethovu wenjiya riwanjiko. Thonjo ghimoru i gharethovu weya levo, iyako ngoreiya i gharethovu weya tembe ghamberegha. <sup>29</sup> Ma mbanja regha lolo regha tembe ghambereghava i botewoyathu riwae. Iyemaenge i namwe na i njimbukiki wagiwawe, ngoreiya Krai i vakatha weya ekelesiya, <sup>30</sup> kaiwae ghinda iye riwae nginauyengi. <sup>31</sup> Buk Boboma ina, "Iya kaiwae ghimoru i roitetenjiya ramae na tinae, i wa weiye levo vethi yaku na regha, na theghewoko thi tabona ririwo regha." <sup>32</sup> Bukuke le utuutuke iyake gharerenuwana i dumwaga moli. Ko iyemaenge ghino mbema ya uturena enge weya Krai na ekelesiya. <sup>33</sup> Ko iyemaenge ghautuutu tembe i ghaonava e ghemi. Iya kaiwae ghimoru regha na regha i gharethovu weya levo ngoreiya i

gharethovu weya ghamberegha, na wevoko i yavwatatawana le ghimoru.

## 6

### *Gamagai, otatanji na oramanji utuninji*

<sup>1</sup> Gamagai, hu ghamba otatami na oramami ghalinjanji kaiwae ghemi kaero hu yaku weya Giya. Vakathako iyako i thovuye moli.

<sup>2</sup> Buk Boboma inja, “U yavwatatawanangiya tina na rama.” Mbaroke iyake iye mbaro iviva weiye ghadagerawe, <sup>3</sup> na dageraweko iyako inja, “Na mbala i thovuye e ghen na yawalina ghayakuyaku i molao e yambaneke.”

<sup>4</sup> Ghemi rama, thava hu vakathangiya lemi ngangana thi gagaithi, ko iyemaenge hu njimbukiki wagiyawenji, hu vathanavunji na hu vavaghare wenji Giya kaiwae.

### *Rakakaiwobwaga na ghanjigiyagiya utuninji*

<sup>5</sup> Ghemi rakakaiwobwaga, weimi lemi yavwatata na lemi mararu, na weimi lemi gharevatomwe, hu ghamba ghamigiyagiya e yambaneke ghalinjanji ngoreiya hu ghamba Krai ghalinae. <sup>6</sup> Thava hu munjeva mbe thi njimbughathigha vara ko amba hu kaiwo na thovuye, na mbala thi warari kaiwami. Ko iyemaenge mbe hu kaiwo kaiwae ghemi Krai le rakakaiwobwaga na hu vakavakatha Loi le renuwanja weiye gharemina laghiye. <sup>7</sup> Weimi lemi warari hu kaiwo, ngoreiya hu kakaiwo weya Giya, na ma hu kaiwo wenjiya gharighari.

<sup>8</sup> Kaiwae hu ghareghare Giya ne i giya lolo regha

na regha le kaiwoko thovuye modae, othembe iye rakakaiwobwaga o rakarakayathu.

<sup>9</sup> Giyagiyana, ghemi tembe ngoreiyeva, lemi vakathana mbe i thovuye wenjiya lemi rakakaiwobwagana. Thava hu vavamararu wenji, kaiwae hu ghareghare ghemi na thiye ghami Giya mbe ina e buruburu, na amalaghiniye e marae gharigharike wolaghiye thi mboromboro.

*Hu ghavathanja Loi le gaithi ghaghavatha*

<sup>10</sup> Wo ya govuna lo utuutuke gheke: Giya le vurigheghe i laghiye moli. Iya kaiwae wo hu wo le vurigheghe na mbala hu vurigheghe moli. <sup>11</sup> Gaithi bigibiginiyeko wolaghiye hu njimbovao, iya Loi va i giyana e ghemi, na mbala valikaiwami hu ndeghathi vurigheghe na thava Seitan le renuwanja i kwaniyaronga. <sup>12</sup> Ghinda ma ra gaithi weindangiya gharighari moli, ko iyemaenge weindangiya nyao raraithari inanzi thiya yaku e buruburuko, weinjijangiya lenji randeviva na lenji vurigheghe. Thiye yambaneke momouwoniye gharambarombaro. <sup>13</sup> Iya kaiwae gaithi bigibiginiyeko wolaghiye iya Loi va i giyana e ghemi hu njimbovao, na mbanja thari ghambanja i mena valikaiwami hu ndeghathi vurigheghe gaithi e tine, na mbanja hu gaithivao, ghemi mbe inamiwevara hu ndendeghathi e ghambami.

<sup>14</sup> Iya kaiwae hu vivathananja ghamimberegha. Ghemi gharighari hu emunjoru. Emunjoru ngoreiya vaa lolo i njimbo e mborowae na i vavathanja ghamberegha. Hu vakatha budakaiya i rumwaru, kaiwae thanavu

rumwarumwaruniye ngoreiya kwama thi vakatha ayan na i ganateninge. <sup>15</sup> Mbe hu lojweghathi vara Totoko Thovuya iya i giya vanevaneko. Amba ne iyako ngoreiya gheghemi ghae na ne hu ndeghathi vurigheghe. <sup>16</sup> Reghava iyake: lemi varemijena mbe i vatadiwe vara Jisas Krais. Lemi lojweghathina ngoreiya yagogha na i vuna Seitan le kin mbe i rara vara i du e ghemi. <sup>17</sup> Hu ghareghare wagiawe Loi i vamorunga, ngoreiya umbalimi ghagumogumo hu njimbo na i ganatena umbalimi. Hu wo Loi ghalinae na ngoreiya gaithi ghaghalithi iya Nyao Boboma i giyana e ghemi. <sup>18</sup> Na mbanake wolaghiye Nyao Boboma ele vurigheghe tine hu nanjonanowe. Bigibigiko wolaghiye kaiwanji hu giya lemi nanjona weya Loi na hu nanjowe i thalavunga. Mbe hu njananja na thava hu towotowo e nanjo Loi le gharigharike wolaghiye kaiwanji.

<sup>19</sup> Tembe hu nanjova ghino kaiwanju, na mbala mbanja ya utuja Loi kaiwae tembe ghamberenga vara i giya utuutu e ghino, na weingu lo gharematuwo ya uturanga Totoko Thovuye iyako Loi le renuwana, na vambowo i rothuwele enge. <sup>20</sup> Totoke Thovuye iyake kaiwae Loi i tuthingo na i variyengo ya vavaghare, na iyako kaiwae ghino mbe iyake e thiyote. Hu nanjo na mbala weingu lo gharematuwo ya utuja Toto Thovuye ngoreiya wo mbaroko.

### *Utu momouniye*

<sup>21</sup> Taikikas, iye ghaghanda valigharegharenda na rakakaiwo thovuye Giya le kaiwo e tine.

Iye ne i utuvenḡa utuutuniḡuke wolaghiye e ghemi, na mbala hu ghareghare lama yakuyaku ḡgoronḡa. <sup>22</sup> Iyake kaiwae ya variye i ghaona e ghemi na i utuḡa lama yakuyaku gheke utuniye wenḡa, mbala hu ghareghare na i vamatuwonḡa gharemi.

<sup>23</sup> Ya nanḡo weya Loi Ramanda na ghanda Giya Jisas Krais thi vakatha gharemalili e ghemi ralonḡwelonḡweghathi. Thi vavuriḡheḡha lemi lonḡweghathi na thi thalavunḡa hu gharethovu wenḡiya ghamune.

<sup>24</sup> Ya nanḡo weya Loi na gharigharike wolaghiye thavala ghanda Giya Jisas Krais ghagharethovu i meghabana wenḡi, i mwaewo wenḡi.

**Toto Thovuye Loi Ghalinae**  
**Portions of the Holy Bible in the Sudest language of**  
**Papua New Guinea**  
**Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

---

PDF generated using Haiola and XeLaTeX on 22 Feb 2024 from source files dated 31 Aug 2023

7a63d67b-b890-5db0-8880-b6fd64f3b62f